

礪山宋氏虎峙派譜

丁巳大同譜序

我礪宋東方著姓也自高麗樞密副使公以來連世冠冕至元尹少尹知申正嘉四公而派始分矣及我朝四派后孫益昌以大節義學問勳業名行繼述不絕磊落相望指不勝僂誠氏族之望而簪纓之閥也后裔之前後譜牒互相修續大譜不必疊焉但歲紀之久各派之子姓蕃衍散在八域而加之以區宇幻變人紀解弛莫可以整頓則于斯時也烏可無合宗族而尙敦睦敬愛會萬歸一以成一家之治哉於是乎僉議峻發修大譜於礪山之永護齋會單牒正系緒方下手於活印矣規模則倣乎丁巳之舊而其間亦自有囊括者存焉按文可知其節次矣竊觀近世譜書殆姓尊閣而問其所以則不過曰某爲某之名祖某爲某祖之後昆而已茫然於上治傍治之爲神髓所以爲譜也果如是而止乎今吾礪山氏既合四家名祖列于一局則敦睦敬愛之心可油然而生矣在後承當各盡吾義分益懋厥德不沫先徽令人稱之曰鳳雛無凡毛駿駒無劣蹄則是所謂上治之一也上治之既厚則又須也一視同根雖惠未周於范庄交互勸懲打成一團何難於傍治也苟或不然聖人所謂觚哉觚哉嗚呼非所貴於吾譜也凡吾宗之譜此譜者率茲以往惟敦睦敬愛之是務致

得悠久吉善之祉則吾宗之可炳煥於無窮而不失爲東方之名閥矣盍相與勉之疆圉大荒落元月之下泮後孫宋敦浩謹序

戊戌派譜序

譜譜其族也族而無譜則昭穆安得而正乎派系何從而辨乎此古之君子所以汲汲於修譜而以收宗族厚風俗不忘本爲第一義諦然或有廣收同姓以爲大譜萃合一家以爲派譜大譜所以範圍遠族也派譜所以篤厚近族也詎不重歟我礪山氏東方巨閥碩德達官連世不絕而元尹公派最其長也逮夫 端廟外遜之日忠剛公西齋先生率五男始奠居于興陽馬輪村自是五派雲仍益繁衍昌大散居列邑而惟我虎峙派實忠剛公之季胄縣監公後裔也去丁巳年間重修全姓大同譜於礪山之永護齋譜凡三十一冊今又續修元尹公派大譜於薇院之永報齋凡二十四冊并皆卷帙浩大購覽者甚夥覽者亦率不免長廊數株之歎故今三從姪永燮爲是之慮謀於僉族就大譜中特爲表出吾虎峙派系三冊而刊之俾吾族家家得以尊閣人人得以奉覽覽之瞭然如指諸掌簡莫簡焉便莫便焉是吾門之幸也而非有得於篤近之義能如是乎噫一自滄海橫流禮防潰決邪說洶湧所謂衣冠之冑亦將一并墮落於淪胥之禍則有識者孰不寒心哉凡吾族之譜此譜者時時閱

覽此篇必須體究乎列先祖忠義節行孝友文學勿墜由來緒業又須澹念乎千派同源萬殊一本之義疎者親而遠者近以重愛族睦族之誼是尊祖敬宗不忘本之大者也不爾則譜爲虛器虛器奚爲哉詩曰無念爾祖聿修厥德余以是勉吾諸族亦以自警焉爾歲戊戌重陽節後孫宋桂汶謹序

程子曰管攝天下人心收宗族厚風俗使人不忘本須是明譜系張子曰宗法若立則人各知來處朝廷大有所益以兩夫子之說推之則人家之修譜牒明世系實有關於天下國家之風化矣豈不重且大歟嗚呼我礪山氏自麗鮮以來道學節義忠勳碩德磊落相望爲東國著姓考於國史野乘班班可見矣此源本洪大派支繁昌星羅八域其麗不億而世非其世勢難團合故不得續修前日之大譜而去丁酉八月日只與元尹公派諸雲仍修譜而余猥叅魚魯帝虎之辨然才短識薄未有一臂之助而惟天護神衛以若大事趣一年而告功此吾門幽明俱感之一大慶幸也但卷帙浩大顧此喪亂之世不無遠慮也於是乎與永燮合謀周旋而龍基亦相之別爲吾虎峙派譜一局此蘇老泉所謂詳吾所自出之意也亦因時利導事半而功倍者也誰敢有異議哉今竣功之日諸宗英使余錄其巔末爲首簡之文故不揆僭拙而妄爲泚筆然因此而別有成焉人家父祖壁立萬仞而子孫各自倒東歪西

此晦翁所歎也願吾諸宗勿以今日修譜爲吾事已了而各自家奔戶藏時時考閱益益講尊祖敬宗之道德業修而行義篤篤貧能恤而患能救道相倡而節相勵則祖宗陰隲將來門戶之益昌大不待龜筮而可卜矣盍各勉旃乎哉噫噫戚矣歲戊戌菊秋日後孫宋基河謹序

礪山宋氏虎時派譜卷之一

始祖

宋惟翊

一云攸益或云有翼
高麗進士追封銀青光祿大夫樞密院副使墓全羅道礪山府東十里許天壺山下文殊洞西北中峯虎谷南今稱壺月里寅坐丙午得成破每年冬至祭焉俗號其地為漏頂流水穿透山腰而出故名
世宗十八年以元敬王后閔氏外鄉縣陞為郡
肅宗二十四年追復端宗位以

二世

子淑文

官政堂文學追封銀青光祿大夫知樞密院事戶部尚書諡譜云貞烈公一男○孫松禮貞烈公誌曰世為礪良縣戶長至公始仕于朝○墓失傳而丁巳譜時邦英後孫私世系云墓在考墓同岡始祖墓下果有一塚而不知為某墳故設壇于墓左而祭焉

三世

子希植

古名南春一云南椿官三宰追封金紫光祿大夫知門下省事判戶部事墓京畿道開城郡西面風流洞西坐舊失傳
憲宗己酉后孫寬玉因土人傳說採得誌石改蒞築以十月十三日祭焉○配國大夫人黃山徐氏父文林郎尉衛寺主簿同正茂一男

四世

子松禮

字立仁高麗熙宗三年宋寧宗開禧三年丁卯生官推誠翼戴輔理同德佐命功臣匡靖大夫壁上三韓三重大匡門下侍中判典理司事上將軍致仕礪良府院君食邑一千戶食實封三百戶元宗乙亥致仕忠烈王十五年元世祖至元二十六年己丑正月二十日卒于松都三峴里壽八十三諡貞烈公墓京畿長湍府

五世

子琰

官正憲大夫軍簿判書舊譜云班主○後孫廷者私世系云安社功臣同平章事朗山府院君諡文肅公○配幸州奇氏父郎將洪穎祖太師允肅會祖大師守全外祖判司宰寺事長興任景恂或云尙高麗元宗公主五男二女○子元美五世孫千喜號二虛亭成宗朝文吏判謚文節大邱有影堂享慶州文昌書院十三世孫日

六世

子暉

子邦英
子子詳
子子淵
子元美
女金渾
女張福

少尹公派

二下

礪山宋氏虎時派譜卷之一